

CdR 2017

Los Ayuntamientos de Fonz, Estadilla y Graus convocan el XVI Concurso lliterario en aragonés baixo-ribagorzano *Condau de Ribagorza*, en las modalidaz de narrativa y poesía en categoría d'adultos, y de narrativa en categoría chovenil (12 a 17 años).

1. La convocatoria del concurso é de tot ubierta, se i puede presentá qui quiera.
2. Los treballos habrán de sé originals y inéditos. Los concursantes se fan responsables de que no ñ'hai dreitos de terceros en los rellatos presentaus.
3. La temática del concurso é libre.
4. Los originals estarán escribius nomás en cualquiera de las modalidaz dialectals de l'aragonés baixo-ribagorzano, en las suyas variantes de Graus, Fonz, Estadilla, Chuseu, Torres, Panillo, Capella, La Pueblá de Castro, Secastilla, Perarruga, Santallestra, Campo, etc.
5. En la categoría d'adultos los rellatos tendrán una extensión no inferior a tres pllanas DIN A-4 ni superior a cinco. En la categoría chovenil caldrá que tiengan una extensión d'entre una y tres pllanas. La lletra será Arial 11 puntos, con espaciáu i chustificau normals.
6. La métrica de los poemas é libre, y la suya extensión habrá de ser superior a cuarenta versos y inferior a doscientos, podén-se presentá baixo la forma de poemas sueltos u poemarios.
7. S'admitirá un máximo de dos treballos per autor, se presenten u no a la misma modalidá.
8. Los treballos caldrá mandá-los per email a administracion@fonz.es con la referencia Concurso Condau de Ribagorza, y quedarán en posesión de la Organización. El pllazo d'entrega acaba a las 14 horas del viernes 31 de marzo de 2017.
9. En atro documento, los autors incluirán el suyo nome y edá, apellidos, DNI y datos de contacto.

Premios, churau y fallo del concurso

10. La dotación del Concurso é de 600 € en la modalidá de rellatos y 300 € en la modalidá de poemas, en categoría de adultos. En la categoría chovenil, n'habrá dos premios de 100 y 50 € que podrán escambiar-se per material escolar.
11. El Churau, que podrá decllará desiertos los premios u atorgá accésits si fuese menesté, estará integrau per un representante de cada ayuntamiento que convoca (Graus, Estadilla y Fonz) y per varios llingüistas de reconocida profesionalidá, los nombres de los quals se farán públicos cuan s'entregue el premio, qui será inapelable.
12. La Comisión fará público el fallo del churau en Fonz per los días de la fiesta de San Chorche.
13. La Organización publicará una tría de los treballos presentaus.
14. El churau tiene la potestá de resolvé cualquier eventualidá que no haiga siu fijada dinantes en estas bases, resolvén-se al suyo arbitrio cualquier duda que se i podese presentá. La grafía en que se publicarán las obras premiadas, con l'asesoría de los llingüistas que integren el churau, atenderá a los usos de los autors tradicionals.